



14811  
PB-27

Bosnia and Herzegovina  
Federation of Bosnia and Herzegovina  
**CANTON SARAJEVO**  
Government

Broj: 02-04-22998-29.1/24  
Sarajevo, 15.04.2024. godine

## **PROGRAM MJERA ZA PODRŠKU BORAČKIM ZADRUGAMA SA SJEDIŠTEM U KANTONU SARAJEVO ZA 2024. GODINU**

### **I UVOD**

U poslijeratnom periodu Bosna i Hercegovina suočena je sa problemom nezaposlenosti stanovništva, što posebno utiče na otežano zapošljavanje svih kategorija stanovništva, a naročito nezaposlenih boraca-branitelja i ukupno pripadnika boračke populacije i članova njihovih porodica, koji pripadaju grupi nezaposlenih kojima je po statusu u velikoj mjeri otežan pristup tržištu rada. Riječ je o najranjivijim, teško zapošljivim licima u koje ubrajamo najprije demobilisane borce-branitelje, porodice šehida, poginulih, umrlih i nestalih branilaca, ratne vojne invalide, dragovoljce i organizatore otpora, veterane mirnodopske vojne invalide, ratne vojne zarobljenike i dobitnike najvećih ratnih priznanja i odlikovanja, kao i članove njihovih porodica (u daljnjem tekstu: braniteljska populacija). U stanju u kojem se nalazi naša država, a tim i Kantonu Sarajevo, u poslijeratnom tranzicijskom periodu, postojeća privreda nije u tolikoj mjeri razvijena da bi pružila realan osnov za upošljavanje navedene populacije.

Uzimajući u obzir prethodno navedeno, Ministarstvo za boračka pitanja Kantona Sarajevo je realizovalo (u daljnjem tekstu: Ministarstvo) Programe mjera za poticaj zapošljavanja pripadnika braniteljske populacije od 2017. godine, pri čemu je ostvareno zaposlenje određenog broja pripadnika braniteljske populacije u navedenom periodu, o čemu je Vlada Kantona Sarajevo redovno izvještavana.

Porast cijena u svim sektorima privrede i segmentima svakodnevnog života utiče na neizvjesnost pozitivnog poslovanja, počev od nabavnih cijena sirovina i osnovnih sredstava za rad, preko nesrazmjernog rasta visine najniže plaće, do slabljenja platežne moći kupca.

U tom smislu i Ministarstvo je sačinilo Program mjera za podršku boračkim zadrugama sa sjedištem u Kantonu Sarajevo za 2024. godinu (u daljnjem tekstu: Program).

Programom zapošljavanja braniteljske populacije u prethodnih pet godina, između ostalog bila je obuhvaćena Mjera podrške zadrugama koje okupljaju braniteljsku populaciju putem sufinansiranja poslovnih projekata od strane Ministarstva za boračka pitanja, koji će za rezultat imati novo upošljavanje braniteljske populacije a realizacijom iste zadruge su ostvarile zapošljavanje određenog broja pripadnika braniteljske populacije prijavljenih na evidenciju nezaposlenih.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

1/12

Također u prethodnom periodu ovo Ministarstvo je imalo za cilj da ojača zadružni sistem poslovanja pripadnika braniteljske populacije.

Naime, zadružni sistem organizovanja i privređivanja je važan segment socijalne ekonomije svake zemlje, a posebno onih zemalja gdje dominira sitna robna proizvodnja i njeni nosioci, sitni robni proizvođači. U uslovima tržišne utakmice, oni nemaju dugoročnu perspektivu u samostalnom nastupu na tržištu, te njihovo udruživanje u zadruge predstavlja neminovnost za njihovu održivost.

Zadruga je specifičan model interesnog udruživanja njenih članova i nije sama sebi cilj, već sredstvo za postizanje ciljeva njenih članova-zadrugara, koji se udružuju „sebe radi“ kako bi ostvarili što bolje rezultate. U zadrugama skupština, koju čine svi članovi, ima odlučujuću riječ u upravljanju kapitalom i vođenju poslovne politike, s tim da u odlučivanju svaki član zadruge ima jednako pravo glasa, bez obzira na visinu zadružnog uloga, a što je u skladu sa demokratskim načelima - jedan zadrugar - jedan glas, čime se isključuje svaki oblik eksploatacije.

Zadatak zadruge je da za svoje članove obezbijedi lakši pristup tržištu, jeftinije cijene za ulazne sirovine, osnovnu marketinšku podršku, pristup novim izvorima finansiranja, obavlja koordinacijsku ulogu sa prerađivačkim sektorom. Uz minimalna ulaganja zadruge omogućuju legalno poslovanje i naplatu proizvedenih roba ili usluga većeg broja fizičkih ili pravnih lica. Preko zadruga jača pregovaračka moć. Organizovani u zadruge, zadrugari mogu diktirati cijene prerađivačkom sektoru, dobiti veće rabate na nabavku repromaterijala i ostvariti razne druge pogodnosti.

Obzirom da su u prethodnom periodu, predstavnici zadruga u ličnim kontaktima sa Ministarstvom kao i preko Saveza zadruga u Federaciji Bosne i Hercegovine isticali da je zadružnom sektoru, potrebna finansijska podrška vezano za nabavku sredstava za rad (mašina, alata, opreme, tehnike), što bi doprinijelo jačanju konkurentnosti zadruga na tržištu, te bi na taj način obezbijedeni i uslovi za proširenje poslovanja kao i dodatno zapošljavanje pripadnika boračke populacije, Ministarstvo je u 2024. godini u okviru Programa mjera obuhvatilo i dvije nove mjere koje do ove godine nisu realizovane.

Program mjera za 2024. godinu realizuje se u skladu sa odredbama Uredbe o uvjetima i postupku za dodjelu potpore male vrijednosti – **de minimis potpora**.

## II OPĆI I POSEBNI CILJEVI PROGRAMA

**Opći cilj** i svrha svih mjera Programa je pružanjem poticaja zadrugama doprinijeti razvoju poslovanja i poticanju proizvodnje boračkih zadruga, čime bi se omogućilo boračkim zadrugama održavanje postojeće zaposlenosti kao i novo zapošljavanje pripadnika boračke populacije.

**Poseban cilj** Programa je doprinijeti produktivnijem poslovanju, stabilizaciji i jačanju konkurentnosti boračkih zadruga putem mjera podrške boračkim zadrugama sa sjedištem u Kantonu Sarajevo tj. mjera koje se odnose na sufinansiranje troškova nabavke/refundiranja sredstava za rad (mašina, alata, opreme, tehnike), sufinansiranje održavanja postojeće zaposlenosti braniteljske populacije u zadružnom sektoru, pružanje i drugih vrsta pomoći boračkom zadrugarstvu, kako bi se uz druge aktivne mjere Vlade doprinijelo sanaciji posljedica trenutnog stanja u privredi na području Kantona Sarajevo.

## III SADRŽAJ PROGRAMA – POJEDINAČNE PODSTICAJNE MJERE

### a) Osnovne mjere:

Program mjera za 2024. godinu obuhvata slijedeće osnovne mjere:

1. Mjera refundiranja dijela prihvatljivih troškova kupljenih sredstava za rad u prethodne tri godine,
2. Mjera sufinansiranja-refundiranja prihvatljivih troškova kupovine sredstava za rad u 2024. godini,
3. Mjera sufinansiranja održavanja postojeće zaposlenosti u boračkim zadrugama sa područja Kantona Sarajevo,
4. Mjera sufinansiranja troškova zadružnih revizija.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

**Aplikanti tj. boračke zadruge mogu podnijeti posebne zahtjeve sa potrebnom dokumentacijom na javne pozive raspisane po osnovnim mjerama ovog Programa, međutim osnovne mjere su alternativne tj. boračke zadruge mogu biti korisnici podrške samo jedne od navedenih Osnovnih mjera ovog Programa. Dakle, zadruge mogu aplicirati na raspisane javne pozive više od jedne mjere, pri čemu će im biti odobrena sredstva po javnom pozivu za mjeru za koju ispunjavaju uvjete a koja je za njih povoljnija, o čemu će se i zadruga izjasniti.**

Pravo na podršku tj. poticajna sredstva ovog Programa mjera, mogu ostvariti boračke zadruge i zadruge koje u svom sastavu okupljaju najmanje 70% zadrugara iz boračke populacije, koje su registrovane na Kantonu Sarajevo, a u cilju obezbijeđenja sredstava za produktivnije poslovanje, za stabilizaciju i jačanje konkurentnosti boračkih zadruga na tržištu kao i u svrhu održavanje postojeće zaposlenosti u boračkim zadrugama.

## **1. Osnovne mjere Programa – način realizacije**

### **1.1. Mjera refundiranja dijela prihvatljivih troškova kupljenih sredstava za rad u prethodne tri godine**

Mjera refundiranja dijela prihvatljivih troškova kupljenih sredstava za rad u prethodne tri godine (u daljnjem tekstu: Mjera 1.), predstavlja pravo sudjelovanja u raspodjeli sredstava koju mogu ostvariti zadruge sa područja Kantona Sarajevo, a koje okupljaju braniteljsku populaciju u svrhu refundiranja dijela prihvatljivih troškova kupljenih sredstava za rad u 2021., 2022. i 2023. godini.

Kako bi realizovalo ovu Mjeru, Ministarstvo raspisuje javni poziv na koji imaju pravo aplicirati boračke zadruge i zadruge koje u svom sastavu okupljaju najmanje 70% zadrugara iz boračke populacije, a u cilju obezbijeđenja sredstava za produktivnije poslovanje, za stabilizaciju i jačanje konkurentnosti boračkih zadruga na tržištu. Pravo učešća u ovoj mjeri **ne mogu ostvariti aplikanti/zadruge koje ne ispunjavaju** opće kriterije za odobravanje podsticajnih sredstava za realizaciju mjera ovog Programa, iz razloga što su isti eliminatorni.

Zadruge koje ispune uslove definisane javnim pozivom, mogu ostvariti pravo na refundiranje **do 50%** dijela prihvatljivih troškova nabavljenih sredstava za rad u prethodne tri godine, **sumarno za sve iskazane prihvatljive troškove. Maksimalan iznos sredstava koji se može odobriti po ovoj mjeri zavisi od raspoloživih sredstava i broja aplikacija koje ispunjavaju propisane uvjete, pri čemu se sredstva ne mogu odobriti i doznačiti, po predmetnom osnovu, u iznosu većem od sredstava koja se mogu ostvariti, u maksimalnom iznosu, u okviru Mjere sufinansiranja održavanja postojeće zaposlenosti u boračkim zadrugama sa područja Kantona Sarajevo.**

Podsticajna sredstva iz Mjere 1. namijenjena su za refundiranje dijela prihvatljivih troškova boračkih zadruga, nastalih u 2021., 2022. i 2023. godini po osnovu kupljenih mašina, alata, opreme, tehnike koja se koriste u vremenu dužem od jedne godine, a koja doprinose razvoju poslovanja, potiču proizvodnju, povećavaju konkurentnost proizvoda i usluga, a koja su nabavljena od **registrovanih poslovnih subjekata.**

Neprihvatljivi troškovi su:

- a) kupovina i iznajmljivanje zemljišta, stana, kuće,
- b) izvođenje vanjskih građevinskih radova,
- c) kupovina/najam osobnih automobila,
- d) kupovina dijelova za vozila,
- e) kupovina, obnova, rekonstrukcija, modernizacija objekata za najam ili prodaju,
- f) nabavka kancelarijskog namještaja,
- g) kupovina laptopa, mobitela, televizora, klima uređaja,
- h) kupovina potrošnog materijala, repromaterijala i robe namijenjene za prodaju,
- i) police osiguranja imovine i ljudi, te plaće i doprinosi na plaće.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)



Podnosioci prijava za ovu mjeru, po raspisanom Javnom pozivu, obavezni su uz prijavni obrazac, pored opće dokumentacije dostaviti i posebnu dokumentaciju, kako slijedi:

1. Račun/računi sa pratećim fiskalnim računima i/ili kupoprodajni ugovor vezano za prihvatljive troškove kupovine sredstava za rad u 2021., 2022. i 2023. godini uključujući i fakture vezane za troškove njenog transporta i ugradnje (Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom se ne mogu prihvatiti kao validan dokument);
2. Izvod iz banke ovjeren potpisom ovlaštenog lica i otiskom pečata zadruge kao dokaz o izvršenoj uplati po svakoj ispostavljenoj fakturi ili kupoprodajnom ugovoru;
3. Potvrda da su nabavljena sredstva za rad uknjižena kao sredstva zadruge, ovjerena od strane knjigovodstvene agencije koja vodi knjigovodstvo zadruga.

Odobrena sredstva, će se na pogodan način doznačiti, što će se preciznije definisati ugovorom zaključenim između Ministarstva i Korisnika sredstava. Zaključenim ugovorima između Ministarstva i Korisnika sredstava će biti regulisana sva prava i obaveze ugovornih strana.

## 1.2. Mjera sufinansiranja-refundiranja prihvatljivih troškova kupovine sredstava za rad u 2024. godini

Mjera sufinansiranja-refundiranja prihvatljivih troškova kupovine sredstava za rad u 2024. godini (u daljnjem tekstu: Mjera 2., predstavlja pravo sudjelovanja u raspodjeli sredstava koja mogu ostvariti boračke zadruge sa područja Kantona Sarajevo, koje okupljaju braniteljsku populaciju u svrhu sufinansiranja-refundiranja dijela prihvatljivih troškova kupovine sredstava **za rad nastalih nakon dana objave Obavještenja o Javnom pozivu po ovom Programu, a nakon dostavljanja odgovarajuće dokumentacije** (računi, predračuni/profakture/ponude) za prihvatljive troškove nabavke osnovnih sredstava, opreme, kupovinu mašina, alata i tehnike (osim laptopa i mobilnog telefona).

Kako bi realizovalo ovu Mjeru, Ministarstvo raspisuje javni poziv, na koji imaju pravo aplicirati boračke zadruge i zadruge koje u svom sastavu okupljaju najmanje 70% zadrugara iz boračke populacije, a u cilju obezbijedenja uslova za produktivnije poslovanje, za stabilizaciju i jačanje konkurentnosti boračkih zadruga na tržištu.

Zadruge koje ispune uslove definisane javnim pozivom, mogu ostvariti pravo na sufinansiranje-refundiranje prihvatljivih troškova nabavke sredstava za rad u iznosu **do 50%** troškova nabavke sredstava za rad, koji su nastali nakon dana objave Obavještenja javnog poziva po ovom Programu, **sumarno za sve iskazane prihvatljive troškove. Maksimalan iznos sredstava koji se može odobriti po ovoj mjeri zavisi od raspoloživih sredstava i broja aplikacija koje ispunjavaju propisane uvjete, pri čemu se sredstva ne mogu odobriti i doznačiti, po predmetnom osnovu, u iznosu većem od sredstava koja se mogu ostvariti u maksimalnom iznosu u okviru Mjere sufinansiranja održavanja postojeće zaposlenosti u boračkim zadrugama sa područja Kantona Sarajevo.**

Podsticajna sredstva iz Mjere 2. namijenjena su za sufinansiranje/refundiranje prihvatljivih troškova kupovine mašina, alata, opreme, tehnike (osim laptopa i mobilnog telefona) koja se koriste u vremenu dužem od jedne godine, a koja doprinose razvoju poslovanja, potiču proizvodnju, povećavaju konkurentnost proizvoda i usluga, a koja su nabavljena **od registrovanih poslovnih subjekata.**

**Neprihvatljivi troškovi su:**

- a) kupovina i iznajmljivanje zemljišta, stana, kuće,
- b) izvođenje vanjskih građevinskih radova,
- c) kupovina/najam osobnih automobila,
- d) kupovina dijelova za vozila,



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

- e) kupovina, obnova, rekonstrukcija, modernizacija objekata za najam ili prodaju,
- f) nabavka kancelarijskog namještaja,
- g) kupovina laptopa, mobitela, televizora, klima uređaja,
- h) kupovina potrošnog materijala, repromaterijala i robe namijenjene za prodaju,
- i) police osiguranja imovine i ljudi, te plaće i doprinosi na plaće.

Pored opće dokumentacije ovog Programa, aplikanti su dužni dostaviti i odgovarajuću dokumentaciju - predračune/profakture/ponude, račune, (ovjerena potpisom ovlaštenog lica i pečatom podnosioca prijave), sačinjena od registrovanog poslovnog subjekta za prihvatljive troškove nabavke osnovnih sredstava, opreme, kupovinu mašina, alata i tehnike (osim laptopa i mobilnog telefona) koji nisu stariji od dana objave Obavještenja o Javnom pozivu raspisanom po ovoj mjeri Programa.

Po izvršenoj obradi svih zahtjeva dostavljenih po javnom pozivu za realizaciju ove mjere Programa, zadruge koje su na listi zaduga koje ispunjavaju uvjete propisane javnim pozivom i Programom, obavezne su po zaključenju ugovora sa Ministarstvom za boračka pitanja Kantona Sarajevo, a prije izvršene uplate sredstava od strane Ministarstva na dostavljeni transakcijski račun zadruge, dostaviti i slijedeću dokumentaciju:

1. ugovor (original ili fotokopija ovjerena od nadležnog organa - općina/notar i/ili jasno vidljivu i čitku fotokopiju računa uz obavezan fiskalni račun (ovjerenu od nadležnog organa - općina/notar) i izvod banke (ovjereni potpisom ovlaštenog lica i pečatom subjekta - podnosioca prijave) kojim se dokazuje da je izvršeno plaćanje za predmetnu prihvatljivu namjenu po kojoj je istom podnosiocu prijave odobreno zaključenje ugovora,
2. Potvrda da su nabavljena sredstva uknjižena kao sredstva zadruga, ovjerena od strane knjigovodstvene agencije koja vodi knjigovodstvo zadruge) i
3. fotodokumentaciju mašina, postrojenja, opreme koja je nabavljena i eventualno drugu dokumentaciju na zahtjev Ministarstva.

Sredstva će se doznačiti na pogodan način, što će se preciznije definisati ugovorom zaključenim između Ministarstva i korisnika sredstava. Zaključenim ugovorima između Ministarstva i korisnika sredstava će biti regulisana sva prava i obaveze ugovornih strana.

### 1.3. Mjera sufinansiranja održavanja postojeće zaposlenosti u boračkim zadrugama sa područja Kantona Sarajevo

Mjera sufinansiranja održavanja postojeće zaposlenosti u boračkim zadrugama sa području Kantona Sarajevo (u daljnjem tekstu: Mjera 3.), predstavlja pravo sudjelovanja u raspodjeli sredstava koju mogu ostvariti zadruge sa područja Kantona Sarajevo, a koje okupljaju braniteljsku populaciju (uključujući i članove njihove uže porodice) u svrhu održavanja postojeće zaposlenosti u boračkim zadrugama sa području Kantona Sarajevo.

Kako bi realizovalo ovu Mjeru Ministarstvo raspisuje javni poziv, na koji imaju pravo aplicirati boračke zadruge i zadruge koje u svom sastavu okupljaju najmanje 70% zadrugara iz boračke populacije, a u cilju održavanja postojeće zaposlenosti u boračkim zadrugama sa području Kantona Sarajevo.

Za realizaciju ove mjere biće raspisan Javni poziv, a odobravanje sredstava vršiti će se u skladu sa općim kriterijima prezentovanim u dijelu Programa koji se odnosi na kriterije za dodjelu sredstava boračkim zadrugama za realizaciju mjera Programa, a vodeći računa o redoslijedu zaprimanja zahtjeva od strane boračkih zadruga za realizaciju ove Mjere.

Boračke zadruge koje žele učestvovati u ovoj mjeri, a koje ispunjavaju navedene opće kriterije dužne su podnijeti aplikaciju sa propisanom dokumentacijom u roku predviđenom u javnom pozivu. Aplikantima kojima se odobri učešće u raspodjeli sredstava Ministarstvo će na ime sufinansiranja isplate na mjesečnom nivou plaća i obaveza po osnovu zakonom propisanih poreza i doprinosa za period od 6 (šest) mjeseci, **doznačiti sredstva u iznosu do 3.300,00 KM po jednom postojećem**



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-000, Fax: + 387 (0) 33 562-076  
 Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

**zaposlenom radniku, a najviše do ukupnog iznosa sredstava potrebnih za 10 (deset) radnika po predmetnom osnovu.** Svi drugi eventualni troškovi padaju na teret poslodavca.

Sredstva će se doznačiti na pogodan način, što će se preciznije definisati ugovorom zaključenim između Ministarstva i korisnika sredstava.

Aplikanti koji budu korisnici sredstava za održavanje postojeće zaposlenosti, dužni su u radnom odnosu zadržati postojeći broj radnika koji su imali u momentu podnošenja zahtjeva, osim u opravdanim slučajevima prekida radnog odnosa (odlazaka u penziju postojećih radnika i prekida radnog odnosa iz opravdanih razloga), a do okončanja ugovora o sufinansiranju, pri čemu je korisnik sredstava obavezan u što kraćem roku obavijestiti Ministarstvo i dostaviti pismene dokaze o navedenom. U slučaju prekida radnog odnosa iz naprijed navedenih razloga korisnik sredstava je obavezan u što kraćem roku, zaposliti drugu osobu sa evidencije nezaposlenih, za preostali period sufinansiranja ili izvršiti povrat neopravdanih sredstava.

Obradu zahtjeva po ovom Programu vrši Stručni tim, i isti sačinjava prijedlog liste aplikanata koji ispunjavaju propisane uvjete i prijedlog liste aplikanata koji ne ispunjavaju uvjete propisane Javnim pozivom i Programom. Ministar donosi konačnu odluku o dodjeli sredstava po Javnom pozivu.

Sa korisnicima sredstava za sufinansiranje održavanja postojeće zaposlenosti ugovorom se uređuju međusobna prava i obaveze Ministarstva i korisnika sredstava, obavezu korisnika sredstava da održi registrovanu djelatnost najmanje 6 mjeseci, obavezu isplate naknada i pripadajućih poreza i doprinosa za radnike koji su u zadrugu zaposleni prije objave Javnog poziva, obavezu pravljanja pomenutih troškova i dr.

Svaki korisnik odobrenih sredstava, obavezan je dostavljati mjesečne izvještaje o utrošku odobrenih sredstava, a po potrebi i dodatni izvještaj na zahtjev Ministarstva. Izvještaji o utrošku odobrenih sredstava se dostavljaju sa finansijskog aspekta zajedno sa kompletnom dokumentacijom do kraja tekućeg mjeseca za prethodni mjesec, što će se detaljnije propisati odredbama pojedinačno sklopljenim ugovorima sa korisnikom sredstava.

Zadruge su dužne sredstva odobrena od ovog Ministarstva utrošiti u skladu sa ugovorenim obavezama.

Ukoliko su zadruge u tekućoj godini ostvarile novčanu pomoć po ovoj mjeri, procijeniti će se da li su dobijena sredstva dostatna, a što će se uzeti u obzir prilikom odobravanja sredstava po ovom Javnom pozivu.

Sredstva će se doznačiti na pogodan način, što će se preciznije definisati ugovorom zaključenim između Ministarstva i korisnika sredstava.

Sve zainteresirane zadruge prilikom apliciranja na Javni poziv dužne su u roku predviđenom u Javnom pozivu, dostaviti **u originalu ili ovjerenoj fotokopiji** dokumentaciju navedenu u dijelu Programa koji se odnosi na poglavlje – Opća dokumentacija za realizaciju osnovnih mjera 1., 2. i 3. ovog Programa.

Za izvršenje ugovora aplikanti su obavezni obezbijediti безусловnu bankovnu garanciju na odobreni iznos sredstava ili bjanko mjenicu u zavisnosti od visine odobrenih sredstava što će biti regulisano u samom Ugovoru.

#### **1.4. Mjera sufinansiranja troškova zadružnih revizija**

Odredbama člana 74. Općeg zakona o zadrugama BiH definisano je: "Zadružna revizija obavezna je za sve zadruge i može biti redovna i vanredna. Redovna zadružna revizija obavlja se svake druge



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)



godine, a vanredna – po odluci organa zadruga, odnosno na zahtjev zadružnog saveza, nadležnih državnih organa, određenog broja zadrugara utvrđenog zadružnim pravilima ili povjericilaca zadruga. Ako se zadruga ne podvrgne zadružnoj reviziji, zadružni savez koji provodi reviziju, može da podnese zahtjev o prestanku rada te zadruga".

Članom 75. naprijed pomenutog zakona, uređeno je da troškove redovne zadružne revizije snose zadruga. Obzirom na tržišne i ostale okolnosti i faktore koji utiču na otežano poslovanje zadruga činjenica je da će neminovno doći do otežanog rada boračkih zadruga u Kantonu Sarajevo, čime će biti umanjeni i prihodi zadruga kao i otežano plaćanje svih tekućih obaveza zadruga.

Shodno odredbama člana 68. i 69. navedenog Zakona zadružni savezi su samostalne interesne i stručne poslovne organizacije, koje se osnivaju radi unapređenja djelatnosti zadruga i zaštite njihovih zajedničkih interesa i isti osiguravaju obavljanje zadružne revizije. Savez zadruga u Federaciji Bosne i Hercegovine, kao organizacija u čijoj je nadležnosti obavljanje zadružne revizije je dostavio podatke prema kojima je potrebno da se ukupno 16 boračkih zadruga podvrgne zadružnoj reviziji do kraja 2024. godine, kao i da cijena provođenja jedne zadružne revizije iznosi 900,00 KM.

Uzimajući u obzir prethodno navedeno tj. činjenicu da je obavljanje redovne revizije zakonska obaveza, kao i činjenicu da će boračke zadruga zbog svih otežavajućih okolnosti poslovanja doći u situaciju da ne mogu obezbijediti sredstva za snošenje troškova zakonske revizije, realizacijom Mjere sufinansiranja troškova zadružnih revizija pruža se podrška boračkim zadrugama da ispune zakonsku obavezu obavljanja redovne revizije. Mjera će se realizovati na način da će Ministarstvo za boračka pitanja Savezu zadruga u Federaciji Bosne i Hercegovine, kao organizaciji u čijoj je nadležnosti obavljanje zadružne revizije, na ime sufinansiranja troškova provedene redovne revizije boračkih zadruga za 2024. godinu doznačiti sredstva u iznosu od 14.400,00 KM.

Ugovorom se uređuju međusobna prava i obaveze Ministarstva i Saveza zadruga u Federaciji Bosne i Hercegovine. Obavezu Saveza da obavi redovnu reviziju boračkih zadruga u 2024. godini i Ministarstvu dostave dokaze o obavljenoj reviziji. Obaveza Ministarstva da Savezu zadruga po dostavljanju dokaza o obavljenoj reviziji, doznači sredstva na ime troškova obavljene revizije boračkih zadruga.

## **2. Zajedničke odredbe za osnovne mjere 1., 2. i 3. Programa**

### **2.1. Kriteriji za dodjelu sredstava boračkim zadrugama za realizaciju mjera ovog Programa**

#### **2.1.1. Opći kriteriji za dodjelu sredstava boračkim zadrugama za realizaciju mjera 1., 2. i 3. ovog Programa**

Opći kriteriji za odobrenje podsticajnih sredstava boračkim zadrugama u okviru mjera 1., 2. i 3. su eliminatorni i zadruga koje ne ispunjavanju navedene kriterije **ne mogu ostvariti** pravo učešća u osnovnim mjerama.

#### **Opći kriteriji su:**

- a) da je boračka zadruga registrirana u Kantonu Sarajevo,
- b) da zadruga redovno izmiruje obaveze uplate javnih prihoda, osim u slučaju kada zadruga ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je zadruga dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da zadruga vrši uplate po potpisanom ugovoru,
- c) da su zadruga koje su koristile sredstva Federalnog zavoda za zapošljavanje, Službe za zapošljavanje Kantona Sarajevo, Ministarstva za boračka pitanja Kantona Sarajevo ostalih ministarstava u Vladi Kantona Sarajevo, ispoštovale obaveze u skladu sa zaključenim ugovorima,



- d) da Zadruga nisu iskoristile maksimalnu vrijednosti pomoći od strane institucija u skladu sa pozitivnim propisima iz oblasti dodjele državne pomoći,
- e) Zadruga koje su koristile novčanu pozajmicu za otvaranje radnih mjesta putem ovog Ministarstva u skladu sa Zakonom o dopunskim pravima boraca - branitelja Bosne i Hercegovine, nemaju obaveze po članu 80. i 81. ovog Zakona i po Uredbi o finansiranju programa za otvaranje radnih mjesta za branioce, ratne vojne invalide, porodice šehida i porodice poginulih, umrlih i nestalih branioaca („Službene novine Kantona Sarajevo“, broj: 31/06, 20/09 i 16/14).

Sve dostavljene prijave Stručni tim će razmatrati u dva koraka, pri čemu je prvi korak, ocjena ispunjenosti uvjeta i isti je eliminatoran, dok se u drugom koraku ocjenjuju dostavljeni dokazi uz svaku prijavu po javnim pozivima realizacije mjera Programa.

U sklopu koraka ocjene ispunjenosti uslova, po prijemu i otvaranju prijava, ocjenjuju se sljedeći elementi:

- Da li je prijava stigla u utvrđenom roku, te ukoliko je neblagovremena, prijava se odbija.
- Da li je dostavljena opća i posebna dokumentacija u skladu sa ovim Javnim pozivom.

### 2.1.2. Posebni kriteriji za vrednovanje aplikacija i odobravanje sredstava po osnovnim mjerama 1. i 2.

Nakon obavljene ocjene ispunjenosti eliminatornih uvjeta, Stručni tim vrši daljnju ocjenu zahtjeva dostavljenih po raspisanim javnim pozivima ovog Programa, i sačinjava prijedlog liste aplikanata koji ispunjavaju propisane uvjete i prijedlog liste aplikanata koji ne ispunjavaju uvjete propisane Javnim pozivom i Programom.

Ministar donosi konačnu odluku o dodjeli sredstava po javnim pozivima ovog Programa.

U slučaju da se nakon obrađenih svih prijava po pojedinačnim mjerama ovog Programa, utvrdi da je planirani iznos sredstava po pojedinačnim mjerama veći od iznosa sredstava utvrđenog nakon svih obrađenih prijava za tu pojedinačnu mjeru, taj dio sredstava može se preraspodijeliti i odobriti na one pojedinačne mjere za koje planirana sredstva nisu dostatna, tj. dovoljna shodno zaprimljenim zahtjevima. Odluku o preraspodjeli planiranih sredstava u okvirima realizacije ovog Programa mjera, donosi ministar. Ukoliko ovom preraspodjelom sredstava nije moguće obezbijediti iznose sredstava koji su dostatni tj. dovoljni shodno zaprimljenim i obrađenim urednim prijavama za pojedinačne mjere, Ministarstvo će pokušati obezbijediti dodatna sredstva preraspodjelom sa drugih budžetskih pozicija.

Ako se navedenim preraspodjelama sredstava, ne obezbijedi potreban iznos sredstava, podnosioci prijave mogu po pojedinačnim mjerama ostvariti pravo na poticajna sredstva u proceduri ocjenjivanja prijave prema posebnim kriterijima.

Posebni kriteriji za vrednovanje aplikacija i odobravanje sredstava po osnovnim mjerama 1. i 2. su:

#### 1) Vrsta djelatnosti:

- a) Proizvodna i turistička djelatnost ..... 30 bodova  
 b) Intelektualna i uslužna djelatnost ..... 20 bodova  
 c) Ostalo ..... 10 bodova

#### 2) Trenutni broj zaposlenih radnika u momentu podnošenja zahtjeva:

- a) 1 – 3 ..... 10 bodova  
 b) 4 – 7 ..... 15 bodova  
 c) 8 i više ..... 20 bodova

#### 3) Vrijednost sredstava za rad koja su predmet refundacije:

- a) do 15.000,00 KM..... 10 bodova  
 b) od 15.001,00KM do 25.000,00 KM..... 15 bodova  
 c) preko 25.000,00 KM..... 20 bodova





U slučaju da nakon vrednovanja aplikacija, dva ili više aplikanata imaju jednak broj bodova, prednost ima aplikant koji obavlja proizvodnu ili turističku djelatnost, ako dva ili više aplikanata i dalje imaju isti broj bodova prednost se daje aplikantu sa većim brojem zaposlenih u momentu podnošenja zahtjeva, ako dva ili više aplikanata i dalje imaju isti broj bodova, prednost se daje aplikantu koji je aplicirao za refundiranje sredstava za rad veće vrijednosti, ako dva ili više aplikanata i dalje imaju isti broj bodova prednost se daje aplikantu koji je prije podnio aplikaciju za učešće u ovoj mjeri.

**U slučaju da je zadruga ostvarila novčanu pomoć po istom osnovu koji je predmet ovih mjera u prethodne tri godine kao i u tekućoj godini od strane bilo kojeg nivoa vlasti u FBiH, Ministarstvo ne može odobriti iznos sredstava kojim bi sveukupan ostvareni poticaj (poticaj od Ministarstva i drugih institucija) prelazio ukupnu vrijednost za koju se poticaj odobrava.**

## 2.2. Dokumentacija

### 2.2.1. Opća dokumentacija za realizaciju osnovnih mjera 1., 2. i 3. ovog Programa

Da bi osvarili pravo sudjelovanja u raspodjeli sredstava po ovom Programu, prijave aplikanata se razmatraju, ako su dostavljeni sljedeći dokumenti: uredno popunjen prijavni obrazac za određenu mjeru Programa, opća i posebna dokumentacija i eventualno ostali zahtjevani prilozi. Svi podnosioci prijava obavezni su u potpunosti dostaviti traženu dokumentaciju. Prijava koja ne sadrži kumulativno i opće i posebne priloge (prijavni obrazac, opće i posebne priloge koji se zahtijevaju javnim pozivom), zbog neispunjavanja formalno-pravnih uslova se odbacuje bez obaveze daljnjeg razmatranja.

Sve zainteresirane zadruge prilikom apliciranja na javni poziv po pojedinim mjerama dužne su u roku predviđenom u javnom pozivu, dostaviti **u originalu ili ovjerenoj fotokopiji** sljedeću opću dokumentaciju:

- a) Adekvatno popunjen i ovjeren aplikacioni obrazac za refundiranje dijela prihvatljivih troškova kupljenih sredstava za rad u prethodne tri godine (obrazac se može preuzeti na web stranici Ministarstva za boračka pitanja. <http://mbp.ks.gov.ba>);
- b) Rješenje o registraciji zadruge u Kantonu Sarajevo;
- c) Uvjerenje o poreskoj registraciji – identifikacijski broj (ID broj);
- d) Dokaz o zadrugarskom statusu (spisak zadrugara registrovanih u knjigu zadrugara ovjeren od strane nadležnog organa);
- e) Uvjerenje o pripadnosti boračkoj populaciji za zadrugare,
- f) Ugovor ili potvrdu od banke o otvaranju računa sa navedenim transakcijskim/tekućim računom;
- g) Uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva **sa listingom o trenutnom broju zaposlenih sa datumom zasnivanja radnog odnosa za svakog zaposlenog (Porezna uprava FBiH);**
- h) Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (Uprava za indirektno oporezivanje BiH), a ukoliko nije PDV obveznik zadruga može dostaviti izjavu (Izjava sačinjena u originalu, ovjerena i potpisana od ovlaštene osobe pravnog lica/obrta i ovjerena od nadležnog organa (općina/notar);
- i) Izjava da nisu ostvarili novčanu pozajmicu za otvaranje radnih mjesta putem ovog Ministarstva, u skladu sa Zakonom o dopunskim pravima boraca/branitelja BiH i po Uredbi o finansiranju programa za otvaranje radnih mjesta za branioce, ratne vojne invalide, porodice šehida i porodice poginulih, umrlih i nestalih branioaca („Službene novine Kantona Sarajevo“, br. 31/06, 20/09 i 16/14), (Izjava se preuzima na web stranici Ministarstva);
- j) Izjavu da su zadruge koje su koristile sredstva Federalnog zavoda za zapošljavanje, Službe za zapošljavanje Kantona Sarajevo, Ministarstva za boračka pitanja Kantona Sarajevo i ostalih ministarstava u Vladi Kantona Sarajevo ispoštovale obaveze u skladu sa zaključenim ugovorima (Izjava se preuzima na web stranici Ministarstva);



- k) Izjava zadruge o visini sredstava koja su mu dodjeljena kao pomoć od strane državnih organa (izjava o primljenim de minimis pomoćima i drugim državnim pomoćima), (Izjava se preuzima na web stranici Ministarstva);
- l) Izjava aplikanta da je saglasan da se rezultati javnog poziva objave javno (Izjava se preuzima na web stranici Ministarstva);
- m) Izjava aplikanta o ostvarenoj novčanoj pomoći u prethodne tri godine kao i u tekućoj godini od strane bilo kojeg nivoa vlasti u FBiH, po istom osnovu koji je predmet realizacije mjere 1. i mjere 2.;
- n) druga dokumentacija na zahtjev Stručnog tima.

**Potvrdu o izvršenoj zadružnoj reviziji koju izdaje Federalni zadružni savez (ne starija od 2 godine) osim za novoformirane zadruge, po službenoj dužnosti obezbijedit će ovo Ministarstvo.**

U slučaju da zadruga ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate, zadruga je dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da zadruga vrši uplate po potpisanom ugovoru.

**Original ili ovjerene fotokopije dokumentacije ne mogu biti starije od 30 dana od dana apliciranja. Fotokopije dostavljene dokumentacije trebaju biti jasno vidljive i čitke, u suprotnom iste ne mogu biti validne i smatrat će se da dokument nije dostavljen.**

### **2.2.2. Posebna dokumentacija**

Pored prethodno navedene opće dokumentacije koja je zajednička za Mjere 1.,2. i 3. aplikanti su dužni dostaviti i posebnu dokumentaciju kojom se dokazuje ispunjenost ostalih uvjeta za pojedine navedene mjere. Posebna dokumentacija je navedena u dijelu Programa koji se odnosi na način realizacije osnovnih mjera Programa.

#### **b) Posebne mjere:**

Ukoliko se steknu uvjeti za realizaciju Posebnih mjera Programa, Ministarstvo će pristupiti poduzimanju aktivnosti na realizaciji ovih mjera. Svi zainteresirani subjekti za realizaciju posebnih mjera moći će aplicirati sa svojim projektima nakon objave obavještenja, a njihovo odobravanje zavisi od raspoloživih budžetskih sredstava za ove namjene.

1. **Mjera organiziranja savjetovanja, seminara, radionica i pružanje neposredne pravne i druge stručne pomoći, organiziranja razmjene iskustava, dobre prakse i inovativnih pristupa za unapređenja uvjeta zapošljavanja boračke populacije, izrada strateških planova razvoja braniteljskog poduzetništva, a koja ima za cilj podsticanja nezaposlenih iz reda braniteljske populacije da prepoznaju šansu koju pruža zapošljavanje putem zadrugarstva;**
2. **Mjera organizovanja sajмова za podršku prezentaciji proizvoda boračkih zadruga, te davanja podsticaja za sudjelovanje boračkih zadruga sa područja Kantona Sarajevo na sajmovima koji se organizuju unutar i van Bosne i Hercegovine;**
3. **Medijska prezentacija mjera iz Programa;**
4. **Mjera podizanja svijesti šire javnosti o radnim sposobnostima lica iz ciljne grupe, jačanje njihovih kompetencija i poduzetničkog potencijala kroz zadruge kao i razine svijesti poslodavaca o prednostima saradnje sa pripadnicima braniteljske populacije i članova njihovih porodica s ciljem postizanja njihovog ravnopravnog sudjelovanja na tržištu;**
5. **Mjera organizacije prigodnih prezentacija proizvoda postojećih boračkih zadruga i boračkih firmi u okviru programa obilježavanja značajnih datuma, događaja i ličnosti.**



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-000, Fax: + 387 (0) 33 562-076  
 Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

#### IV PRAĆENJE I REALIZACIJA PROGRAMA I IZVJEŠTAVANJE

Realizacija programa mjera je u nadležnosti Ministarstva za boračka pitanja.

Monitoring i evaluacija pojedinačnih podsticajnih mjera navedenih u ovom programu, vršit će se u skladu sa rješenjem Ministarstva.

Ministar za boračka pitanja nadležan je da:

1. Utvrđuje Konačne liste aplikanata Mjere 1., Mjere 2. i Mjere 3. ovog Programa, donosi odluke o realizaciji Mjere 4. i posebnih programskih mjera;
2. Odobrava uključivanje aplikanata, za realizaciju pojedinih Mjera koji su sljedeći na Listi koji će realizirati program - ukoliko prethodni sa Liste odustane,
3. Za izmjenu i dopunu ugovora o finansiranju/sufinansiranju ukoliko dođe do promjena broja radnika uslijed opravdanih razloga, odnosno davanje saglasnosti za potpisivanje anexa ugovora o finansiranju/sufinansiranju.

O realizaciji Programa Ministarstvo će nakon njegove realizacije izvijestiti Vladu Kantona Sarajevo, pri čemu je rok realizacije Programa 31.12.2024. godine.

#### V NAČIN PROVEDBE PROGRAMA I NJEGOVO FINANSIRANJE

Ministarstvo će prilikom razmatranja zaprimljenih zahtjeva po javnim pozivima voditi računa o načelima dobre vjere, objektivnosti, nepristrasnosti.

Program se donosi za 2024. godinu, pri čemu će realizacija zavisiti od odobrenih finansijskih sredstava na posebno planiranoj budžetskoj stavci za 2024. godinu.

Za realizaciju ovog Programa mjera planirano je ukupno 400.000,00 KM, a za realizaciju svake pojedinačne podsticajne mjere utvrđuje se slijedeći okvirni iznos i to:

1. Osnovna mjera 1. - 134.485,00 KM;
2. Osnovna mjera 2. - 134.485,00 KM;
3. Osnovna mjera 3. - 99.000,00 KM;
4. Osnovna mjera 4. - 14.400,00 KM;
5. Posebne mjere - 17.630,00 KM.

Posebne mjere ovog Programa bit će realizovane ako se stvore naprijed navedeni uvjeti.

Ministar može donijeti odluku da izvrši preraspodjelu planiranih sredstava u okvirima realizacije ovog Programa mjera i/ili da obezbijedi dodatna budžetska sredstva unutrašnjom preraspodjelom sa drugih budžetskih pozicija, ukoliko za neku od predloženih mjera vlada veći interes pripadnika braniteljske populacije (i članova njihovih porodica).

#### VI PRAĆENJE, NADZOR I IZVJEŠTAVANJE

Praćenje i nadziranje provedbe ovog Programa vršit će Sektor za ekonomske poslove unutar Ministarstva i Stručni tim koji će imenovati Ministar za boračka pitanja Kantona Sarajevo.

O realizaciji Programa Ministarstvo će nakon njegove realizacije izvijestiti Vladu Kantona Sarajevo.

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)



- ④ Ministarstvo za boračka pitanja Kantona Sarajevo,
5. Ministarstvo finansija Kantona Sarajevo,
6. Za objavu u „Službenim novinama Kantona Sarajevo“,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-000, Fax: + 387 (0) 33 562-076  
Web: <http://vlada.ks.gov.ba>, E-mail: [vlada@vlada.ks.gov.ba](mailto:vlada@vlada.ks.gov.ba)

12/12